



## MØTEINNKALLING

---

**Utval:** Formannskapet  
**Møtedato** 07.02.2019  
**Møtetid:** Kl. 15.15  
**Møtestad:** Kommunehuset

---

*Varamedlem skal ikkje møta utan nærare innkalling*

Forfall til møtet må meldast snarast råd til sørvissenteret (tlf. 56 58 74 00 eller e-post [postmottak@samnanger.kommune.no](mailto:postmottak@samnanger.kommune.no)), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til sørvissenteret.

Knut Harald Frøland  
ordfører

**SAKLISTE****Saker til handsaming på møtet**

| <b>Sak nr.</b> | <b>Arkivsak</b> | <b>Sakstittel</b>                                                                                  | <b>Merknad</b> |
|----------------|-----------------|----------------------------------------------------------------------------------------------------|----------------|
| 001/2019       | 19/148          | Faste saker                                                                                        |                |
| 002/2019       | 18/783          | Retningslinjer for tildeling av kulturmidlar                                                       |                |
| 003/2019       | 18/951          | Søknad om tilskot frå næringsfondet til e-avis                                                     |                |
| 004/2019       | 18/783          | Søknad om endring av kommunal garanti for dagsfestivalen Samningakraft                             |                |
| 005/2019       | 18/951          | Søknad om tilskot til løypepreparering                                                             |                |
| 006/2019       | 18/951          | Søknad frå Kvamnet AS om økonomisk støtte til delar av ekstrakostnader fiberanlegg Rolvsvåg - Saga |                |
| 007/2019       | 19/134          | Tilleggsløyving til ny stilling på HR (løns- og personalkontoret)                                  |                |

**Oversikt faste saker**

- Godkjenning av innkalling og sakliste
- Eventuelle merknader til protokoll frå førre møte
- Delegerte vedtak/referatsaker
- Utvalet sitt kvarter



## SAKSFRAMLEGG

|                                       |                          |
|---------------------------------------|--------------------------|
| <b>Sakshandsamar:</b> Marianne Soleng | <b>Arkivkode:</b> FE-033 |
| <b>Arkivsaksnr:</b> 19/148            | <b>Løpenr:</b> 19/1002   |
| <b>Sakstype:</b> Politisk sak         |                          |

### SAKSGANG

| Styre, utval, komité m.m. | Møtedato   | Saksnr   |
|---------------------------|------------|----------|
| Formannskapet             | 07.02.2019 | 001/2019 |

### Faste saker

#### Rådmannen sitt framlegg til vedtak:

- Møteinnkallinga og saklista vert godkjent.
- Delegerte vedtak/referatsaker vert tekne til orientering.

#### Oversikt over faste saker:

Godkjenning av innkalling og sakliste.  
Eventuelle merknader til protokoll frå førre møte.  
Delegerte vedtak/referatsaker.  
Utvalet sitt kvarter.

#### Oversikt over referat/orienteringssaker:

Støtte til klimatiltak? Ref. verbalpunkt budsjett  
Organisasjonsutvikling  
Sjukefråvær  
Driftsresultat 2018  
Prosjektstyringsstatus Skottabakken  
Verneverdier/vernegrenser Eikedalsvassdraget, sak til formannskapet 23.05.2019  
Botnahytta, vedtak om mellomels fredning  
Årsrapport skjenkekontroll 2018  
Referat møte vegnemnda  
Forespørsel om sal/eventuelt utleige areal til næringsformål (saltlager Frøland)



## SAKSFRAMLEGG

|                                               |                                  |
|-----------------------------------------------|----------------------------------|
| <b>Sakshandsamar:</b> Meline Heimdal Haugland | <b>Arkivkode:</b> FE-223, FA-C00 |
| <b>Arkivsaksnr:</b> 18/783                    | <b>Løpenr:</b> 19/422            |
| <b>Sakstype:</b> Politisk sak                 |                                  |

### SAKSGANG

| Styre, utval, komité m.m. | Møtedato   | Saksnr   |
|---------------------------|------------|----------|
| Formannskapet             | 07.02.2019 | 002/2019 |
| Ungdomsrådet              | 06.02.2019 | 002/2019 |

## Retningslinjer for tildeling av kulturmidlar

### Rådmannen sitt framlegg til vedtak:

Retningslinjer for tildeling av kulturmidlar vert vedteken slik dei ligg føre.

### Dokument som er vedlagt:

Retningslinjer for tildeling av kulturmidlar

Forslag til Retningslinjer for tildeling av kulturmidlar

### Dokument som ikkje er vedlagt:

Søknadar frå 2013 til og med 2018

Sak nr. 002/13 Retningslinjer for tildeling av kulturmidlar i Utval for oppvekst og omsorg 06.02.2013

### Kva saka gjeld:

Retningslinjer for tildeling av kulturmidlar blei vedteke 03.04.2002. Dei blei sist revidert 06.02.2013 i Utval for oppvekst og omsorg sak 002/13.

I seinare tid ser me at det er behov for endringar. Me har tatt ein gjennomgang av søknadar frå 2013 til og med 2018 og vurdert dei opp mot gjeldande retningslinjer.

### Vurderingar og konsekvensar:

Formålet med kulturmidlane er at dei skal stimulera eksisterande og nye kulturtiltak i Samnanger kommune slik at kulturen kan vera ei positiv skaparkraft og utfolding som gjer at me får eit betre samfunn å bu i. Kulturmidlane gjelder:

- Driftstilskot til lag og organisasjonar – søknadsfrist 20. mars
- Tilskot til tilskipingar – ingen søknadsfrist
- Tilskot til kulturminne – søknadsfrist 20. mars
- Tilskot til lokale lagshus og nærmiljøanlegg – søknadsfrist 20. mars

### **Tilskot til lokale lagshus og nærmiljøanlegg**

I saksframlegget til sak 002/13 vart tilskot til lokale lagshus og nærmiljøanlegg vurdert slik: *«Sjølvs om me samla sett gjev mykje i tilskot, er kulturmidlane delt over mange felt. Det gjer at summane i dei enkelte kategoriane ikkje blir store. Ein kan då spørja om det er hensiktsmessig å ha ei tilskotsordning på lokale lagshus, til større reparasjonar, ombygging og restaurering, og nærmiljøanlegg.*

*«Dei tiltaka det blir søkt om i ordninga med tilskot til lagshus og nærmiljøanlegg er ofte kostnadskrevjande, og sjølv med krav om dugnadsarbeid frykter me at tilskotet me kan gje ikkje vil gje den hjelpa me ynskjer. Me har valt å la den stå, men det bør vurderast om ordninga skal fjernes».*

Frå 2013 til og med 2018 søkjer dei aller fleste lag og organisasjonar om driftstilskot. Me ser generelt at planlagte lagsaktivitetar inngår i desse søknadane. Det vert òg søkt om tilskot til tilskipingar, kulturminne, lokale lagshus og nærmiljøanlegg, men tala på desse søknadane er langt færre og varierer meir frå år til år.

Kvart år har det kome inn mellom 20-30 søknader og det har vore rundt kr 200 000 til fordeling. Ettersom midlane skal dekkja mange felt- og søknader vert ikkje tildelingssummane så store. Tilskot til lokale lagshus og nærmiljøanlegg er den ordninga kor me finn dei største søknadssummane. I 2018 kom det inn 3 søknader til denne ordninga på kr 825 000. Samla sum på alle søknadane dette året var på kr 1 164 500, og me hadde kr 216 000 til fordeling.

Me ser at det ikkje er rom for å etterkoma søknadane om tilskot til større reparasjonar, ombygging og restaurering av lagshus. Det same gjelder større tilskot til nærmiljøtiltak. Ved tildelingar innan desse kategoriane vil det i så tilfelle ikkje vera rom for tildelingar på dei andre felta.

Kulturdepartementet har lagt til rette for ordningar kor ein kan søka om større tilskot til anlegg for idrett og fysisk aktivitet, samt lokale kulturarenaer. Begge ordningane er lagt opp slik at ein søkjer via elektronisk søknadsskjema. Søknaden går fyrst til kommunen kor det vert vedtatt ei prioriteringsliste og deretter sendt til fylkeskommunen for behandling. Me vil føreslå å fjerna tilskot til lokale lagshus og nærmiljøanlegg frå Retningslinjer for tildeling av kulturmidlar, og i staden informera om tilskot til lokale kulturbygg og tilskot til anlegg for idrett og fysisk aktivitet. I forslaget har me valt å la det vera rom for å søkja om midlar til mindre investeringar, mindre reparasjonar, ombygging og restaurering av lagshus, samt mindre nærmiljøtiltak gjennom driftstilskot.

### **Tilskot til kulturminne**

Hordaland fylkeskommune gjev tilskot til verna kulturminne i Hordaland. Det er kun kommunen som kan søkja på vegne av eigar. Tildeling føreset kommunal eller eventuelt anna finansiering i minst tilsvarande storleik. I særlege høve kan kravet fråvikast. I forslag til endring av retningslinjene er det lagt til eit punkt kor ein informerar søkjar om denne moglegheita.

### **Tilskot til tilskipingar**

Tilskot til tilskipingar er det einaste tilskotet som ikkje har søknadsfrist og som skal handsamast forstløpande av administrasjonen. Dei andre tilskota har søknadsfrist 20. mars og skal handsamast politisk.

I praksis har dei fleste søknadane om tilskot til tilskipingar vorte levert innan 20. mars, og dei er vorte handsama politisk i same sak som dei øvrige tilskota. Ei av årsakane til dette er nok at ein kan kryssa av for fleire tilskot i søknadsskjema og om ein søkjer om fleire tiltak brukar søkjar vanlegvis å gjera det i same skjema. Dei få søknadane som har kome inn resten av året er handsama som delegerte saker.

Som nemna er samla søknadssum for alle tilskota normalt mykje større enn det som er til fordeling. Det er difor vanskeleg å skulle halda tilbake midlar til tilskipingar som det kanskje vert søkt om ved

eit seinare høve. Me vil føreslå at 20. mars vert sett som frist for å søka om tilskot til tilskipingar og at søknadane vert handsama politisk saman med søknadar retta mot dei øvrige tilskota.

# Samnanger

## – der du vil leva og bu



## Retningslinjer for tildeling av kulturmidlar

### Formål

Kulturmidlane skal stimulera eksisterande og nye kulturtiltak i Samnanger kommune slik at kulturen kan vera ei positiv skaparkraft og utfolding som gjer at me får eit betre samfunn å bu i.

### Kven kan søkja?

Personar, organisasjonar, lag/foreiningar, grupper og institusjonar som driv kultur- og fritidsarbeid i Samnanger kommune. Organisasjonar, foreiningar og institusjonar utanfor kommunen kan få tilskot når arbeidet deira er av spesiell monnaleg verdi for Samnanger.

### Ekskluderte

- Organisasjonar som primært ivaretek medlemmane sine yrkesmessige og/eller økonomiske interesser.
- Kommersielle tiltak.
- Landsomfattande organisasjonar.

### Former for tilskot og søknadsfrist

#### Generelle fastsetjingar

- Det vert ikkje gjeve tilskot til løn
- Tiltak som er retta mot barn og unge vil verta prioriterte.
- Foreiningar og lag skal ha opent medlemskap og vera demokratisk oppbygd

#### Driftstilskot til lag og organisasjonar

- Lag og organisasjonar kan søkja om driftsstøtte. Det vil verta lagt vekt på aktivitet, aldersgrupper og medlemstal. Samnanger kommune vil prioritera lag og organisasjonar som driv med barne- og ungdomsarbeid og som har høg aktivitet.
- I driftstilskotet er det rom for mindre investeringar.
- Siste års reviderte rekneskap, vedteke årsplan og vedtekter **skal** følgja søknaden.
- Eining for kultur kan i enkelte høve påleggja laga å dokumentera medlemstalet i form av medlemslister.
- Tilskot blir berre gjeve til hovudlaget.
- Nye lag kan få starttilskot. Driftsbudsjett og vedtekter skal følgja søknaden.

Søknadsfrist: 20 mars.

### **Tilskot til tilskipingar**

- Det vert gjeve tilskot til tilskipingar innan kulturfeltet.
- Det skal gjerast greie for tilskipinga med kostnadsoverslag og finansieringsplan. Dersom det er ein gjentakande tilskiping skal rekneskap for tidlegare tilskipingar leggjast ved.
- Samnanger kommune kan gje underskotsgaranti i samband med tilskipingar.
- Tilskipingar som er å rekna som reine inntektsbringande tilskipingar vil ikkje få tilskot.

Ingen søknadsfrist.

### **Tilskot til kulturminne**

- Det vert gjeve tilskot til tiltak som fremmar kulturminnevernet i Samnanger kommune. Det kan til dømes vera opplæring i kulturminneregistrering og bevaring av lause og faste kulturminne.
- For alle tiltaka skal det sendast med budsjett. For tiltak med faste kulturminne skal det i tillegg sendast inn teikningar.
- I prioriteringa av tilskot til restaurering av bygg vil dei kriterium som er omtalt i kommunaldelplan for kulturminne vera gjeldande.

Søknadsfrist 20. mars.

### **Tilskot til lokale lagshus og nærmiljøanlegg**

- Det vert gjeve tilskot til større reparasjonar, ombygging og restaurering av lagshus. Søknaden må gjera greie for trongen av arbeidet, eigartilhøve, kva huset vert nytta til og teknisk standard.
- Lag og organisasjonar, velforeiningar og liknande i Samnanger kommune kan søkja om tilskot til nærmiljøtiltak. Det er krav om at tiltaket er ope for allment bruk. Søkjaren må kunna dokumentera at dei har samtykke frå grunneigar.
- For alle tiltaka skal teikningar, kostnadsoverslag, finansieringsplan og driftsrekneskap/driftsbudsjett følgja søknaden. Det er ein føresetnad at dugnadsarbeid er ein del av tiltaka. Ved større ombyggingar og nybygg vil planar og teikningar vert vurdert av kommunen med tanke på statlege tilskot.

Søknadsfrist: 20. mars.

### **Søknad og handsaming**

Det skal søkjast på eige skjema som ligg på Samnanger kommune sine nettsider innan søknadsfristen.

Ved søknad om tilskot til tilskipingar eller underskotsgaranti, skal det søkast i god tid før tilskipinga. Underskotsgaranti blir ikkje utbetalt før rekneskap er sendt til Samnanger kommune.

Mangelfulle søknadar vert ikkje handsama.

Tilskotsordningane med faste søknadsdatoar blir handsama av Utval for oppvekst og omsorg i fyrste mogelege møte. Tilskotsordningar utan fast søknadsdato blir handsama fortløpande av Eining for kultur.



### **Presedens**

Den årlege tildelinga frå Samnanger kommune gjev ikkje presedens for seinare tildelingar.

### **Kontroll og ettersyn**

Søkjaren vert skriftleg gjort kjend med vedtaket i Utval for oppvekst og omsorg. Eining for kultur har rett til å kontrollera at tilskotet vert nytta som føresett i søknaden. Dersom det vert gjeve urette opplysningar og/eller ein bryt med retningslinene for tilskot, kan kommunen krevja tilskotet attendebetalt.



## Retningslinjer for tildeling av kulturmidlar

### Formål

Kulturmidlane skal stimulera eksisterande og nye kulturtiltak i Samnanger kommune slik at kulturen kan vera ei positiv skaparkraft og utfolding som gjer at me får eit betre samfunn å bu i.

### Kven kan søkja?

Personar, organisasjonar, lag/foreningar, grupper og institusjonar som driv kultur- og fritidsarbeid i Samnanger kommune. Organisasjonar, foreningar og institusjonar utanfor kommunen kan få tilskot når arbeidet deira er av spesiell monnaleg verdi for Samnanger.

### Ekskluderte (gjelder dei lokale ordningane)

- Organisasjonar som primært ivaretek medlemmane sine yrkesmesige og/eller økonomiske interesser.
- Kommersielle tiltak.
- Landsomfattande organisasjonar

## Formar for tilskot og søknadsfrist

### Generelle fastsetjingar

- Det vert ikkje gjeve tilskot til løn.
- Tiltak som er retta mot barn og unge vil verta prioritert.
- Foreningar og lag skal ha opent medlemskap og vera demokratisk oppbygd.

### Driftstilskot til lag og organisasjonar

- Lag og organisasjonar kan søkje om driftsstøtte. Det vil verta lagt vekt på aktivitet, aldersgrupper og medlemstal. Samnanger kommune vil prioritera lag og organisasjonar som driv med barne- og ungdomsarbeid og som har høg aktivitet.
- I driftstilskotet er det rom for mindre investeringar, mindre reparasjonar, ombygging og restaurering av lagshus, samt mindre nærmiljøtiltak.
- Siste års reviderte rekneskap, vedteke årsplan og vedtekter **skal** følgja søknaden.
- Kulturavdelingen kan i enkelte høve påleggja laga å dokumentera medlemstala i form av medlemslister.
- Tilskot blir berre gjeve til hovudlaget.
- Nye lag kan få starttilskot. Driftbudsjett og vedtekter skal følgja søknaden.

Søknadsfrist 20. mars.

### Tilskot til tilskipingar

- Det vert gjeve tilskot til tilskipingar innan kulturfeltet.
- Det skal gjerast greie for tilskipinga med kostnadsoverslag og finansieringsplan. Dersom det er ein gjentakande tilskiping skal rekneskap for tidlegare tilskipingar leggjast ved.
- Samnanger kommune kan gje underskotsgaranti i Samband med tilskipingar.
- Tilskipingar som er rekna som reine inntektsbringande tilskipingar vil ikkje få tilskot.

Søknadsfrist 20. mars.

### Tilskot til kulturminne

- Det vert gjeve tilskot til tiltak som fremmar kulturminnevernet i Samnanger kommune. Det kan til dømes vera opplæring i kulturminneregistrering og bevaring av faste og lause kulturminne.
- For alle tiltaka skal det sendast med budsjett. For tiltak med faste kulturminne skal det i tillegg sendast inn teikningar.
- I prioriteringa av tilskot til restaurering av bygg vil dei kriterium som er omtalt i kommunedelplan for kulturminne vera gjeldande.
- Kommunen kan i tillegg søkja fylkeskommunen om tilskot til verna kulturminne i same storleik som det kommunen sjølv set av til prioriterte kulturminne. Søknadsfristen til fylkeskommunen er 1. januar. Skriv i søknaden om detta kan vera aktuelt og me vil senda deg eige skjema.

Søknadsfrist til kommunen er 20. mars.

### Tilskot til lokale kulturbygg

- Frivillige lag, foreiningar, stiftingar, samvirkeføretak og samvirkelag kan søka om tilskot til lokale kulturbygg via [www.anleggsregisteret.no](http://www.anleggsregisteret.no).
- Tilskot kan gjevast til kulturhus, fleirbrukslokale eller spesiallokale for kunst og kultur, som scenekunstlokale, konsertsal eller formidlingslokale for biletkunst. Midlane kan nyttast til nybygg, ombygging og modernisering av kulturbygning, men ikkje til vedlikehald eller drift.
- Ein kan søkje om 1/3 av total godkjend kostnad på prosjektet. Nedre grense for total, godkjend kostnadsramme er 150 000 kroner. Minste tilskotssum er då 50 000 kroner.
- Søknader om tilskot må først sendast til kommunen for sakshandsaming. Kommunen vidaresender godkjente søknader og den politisk vedtekne prioriteringslista til fylkeskommunen innan 30. april.
- Sjå [www.anleggsregisteret.no](http://www.anleggsregisteret.no) for meir informasjon, dokumentasjonskrav og søknadsskjema.

Søknadsfrist til kommunen er 15. januar.

### Tilskot til anlegg for idrett og fysisk aktivitet

- Ein kan søka om midlar til bygging eller rehabilitering av idrettsanlegg, nærmiljøanlegg og friluftslivanlegg via [www.anleggsregisteret.no](http://www.anleggsregisteret.no).
- Det er fleire krav og fristar ein må ta omsyn til i søknadsprossessen.

- Ta kontakt med kommunen for å få registert anlegget i anleggsregisteret.
- Sjå [www.samnanger.kommune.no](http://www.samnanger.kommune.no) for søknadsprosess, fristar og krav.
- Søknader om tilskot må først sendast til kommunen for sakshandsaming. Kommunen vidaresender godkjente søknader og den politisk vedtekne prioriteringslista til fylkeskommunen.

Den fyrste av fleire fristar til kommunen er 30. juni.

## Søknad og handsaming

### - for driftstilskot, tilskipingar og kulturminne

- Det søkjast digitalt via [www.samnanger.kommune.no](http://www.samnanger.kommune.no) innan søknadsfristen.
- Underskotsgaranti blir ikkje utbetalt før rekneskap er sendt til Samnanger kommune.
- Mangelfulle søknadar vert ikkje handsama.
- Tilskotsordningane blir handsama av Formannskapet.

## Presedens

Den årlege tildelinga frå Samnanger kommune gjev ikkje presedens for seinare tildelingar.

## Kontroll og ettersyn

Søkjaren vert skriftleg gjort kjend med vedtaket i Formannskapet. Kulturavdelinga har rett til å kontrollera at tilskotet vert nytta som føresett i søknaden. Dersom det vert gjeve urette opplysningar og/eller ein bryt med retningslinene for tilskot, kan kommunen krevja tilskotet attendebetalt.

## Søknad og handsaming

### - for lokale kulturbygg og anlegg for idrett og fysisk aktivitet

Ta kontakt med kommunen. Søknader om tilskot må sendast til kommunen gjennom [www.anleggsregisteret.no](http://www.anleggsregisteret.no) for sakshandsaming. Søknadane vert prioritert av Formannskapet. Kommunen vidaresender godkjente søknader og den politisk vedtekne prioriteringslista til fylkeskommunen.



## SAKSFRAMLEGG

|                                       |                          |
|---------------------------------------|--------------------------|
| <b>Sakshandsamar:</b> Hilde-Lill Våge | <b>Arkivkode:</b> FE-223 |
| <b>Arkivsaksnr:</b> 18/951            | <b>Løpenr:</b> 19/880    |
| <b>Sakstype:</b> Politisk sak         |                          |

## SAKSGANG

| Styre, utval, komité m.m. | Møtedato   | Saksnr   |
|---------------------------|------------|----------|
| Formannskapet             | 07.02.2019 | 003/2019 |

## Søknad om tilskot frå næringsfondet til e-avis Samnanger Bladlag AS - Samningen

### Rådmannen sitt framlegg til vedtak:

Samnanger Bladlag AS får inntil 51.000 kroner i tilskot frå næringsfondet konto 1.1400.3251. Tilskotet skal nyttast i samband med oppretting av e-avis, og vert utbetalt ved dokumentasjon av faktiske utgifter. Dersom tilskotet ikkje vert nytta innan 2 år frå vedtaksdato går det tilbake til kommunen sitt næringsfond.

### Dokument som er vedlagt:

Søknad om støtte frå næringsfondet

**Kva saka gjeld:** Samnanger bladlag AS –«Samningen» søker om 120.000 kroner i tilskot til etablering av e-avis.

### Vurderingar og konsekvensar:

For Samningen vil det vera viktig å få etablert ei e-avis i tillegg til papirutgåva. Med endringar i levering/distribusjon og fleire utanbys abonnentar er det etter kvart nødvendig å få etablert ei digital løysing. Avisa har eit opplagt på 1.400 og 80% av innbyggjarane les lokalavisa.

#### Kostnadsoverslag:

|                                                                                                                          |                      |
|--------------------------------------------------------------------------------------------------------------------------|----------------------|
| • App for nedlasting av avis, inkludert arkivsøk, tidlegpublisering, klikkbare annonser og meldingsfunksjon til lesarane | kr. 84.000,-         |
| • Installasjon, test og kvalitetssikring                                                                                 | kr. 8.000,-          |
| • Indeksering av Samningen sitt arkiv for åra 2012 - 2018                                                                | kr. 2.000,-          |
| • Arbeid i Samningen knytt til førebuing, gjennomføring og opplæring                                                     | kr. 20.000,-         |
| • Utarbeiding av informasjon til abonnentar/brukarar                                                                     | kr. 8.000,-          |
| • Innkjøring første 12 mnd.                                                                                              | kr. 32.000,-         |
| • Uføresette kostnader                                                                                                   | kr. 16.000,-         |
| <b>Totalt</b>                                                                                                            | <b>kr. 170.000,-</b> |

#### Finansiering:

|                           |               |
|---------------------------|---------------|
| Samnanger Bladlag AS      | Kr. 50.000,-  |
| Tilskot frå næringsfondet | Kr. 120.000,- |

Dei fleste søknader frå næringsfondet har fått om lag 30% i stønad i høve til prosjektkostnaden. I dette tilfellet utgjer det 51.000 kroner i tilskot. Samningen er eit viktig bidrag i formidlinga av lokale nyheiter og kommunen sine annonser. For Samnanger kommune vil det difor vera svært positivt at avisa satsar på framtidig løysing og opprettheldt sine lesarar.

Tilskotet vert finansiert frå næringsfondet konto 1.1400.3251. Det står pr 28.01.19 kroner 489.551 på fondet.

# Samningen

Bygdeblad for Samnanger  
 Reistadliane 22  
 5652 Årland  
 Telefon: 56 58 77 05  
 E-post: post@samningen.no  
 Nett: samningen.no  
 Org.nr. 970956891

Samnanger kommune  
 Tyssevegen 217  
 5650 Tysse

## Søknad om støtte frå næringsfondet

Samnanger Bladlag AS, som gjev ut lokalavisa Samningen, søker med dette om støtte til etablering av e-avis. Å få på plass ei digital utgåve av Samningen med pålogging for betalende abonnentar, er viktig for å tilpassa avisproduktet til nye lesevanar. Med ei slik løysing vil det vera mogeleg for alle som ønskjer det å lasta ned avisa frå kl. 06.00 på utgjevingdagen – i staden for å venta til avisa kjem i posten. Dette vil ikkje minst ha stor verdi for utanbygdsabonnentane, som no kan oppleve svært lang leveringstid. Også i høve til den varsla endringa i Posten sin omdelingsfrekvens (med post annankvar dag frå komande årsskifte), vil det vera naudsynt å tilby digital avis.

### Om avisa:

Samningen kjem pr. i dag berre ut på papir. Svært små ressursar og stram økonomi har gjort at digital utvikling har vore sett på vent. Frå 2017 har det vore satsa ekstra på avisproduktet for å få opp sidetalet og gjera Samningen meir innhaldsrik. Neste steg er å gjera avisa tilgjengeleg digitalt, som eit tillegg til papiravisa.

Samningen kjem ut med 48 utgåver i året, og har eit opplag på ca. 1.400. Over 80 prosent av innbyggjarane i Samnanger les lokalavisa. I tillegg når avisa ut til fleire hundre samningar som bur andre stader.

Samla sysselset bladlaget 2,5 årsverk, som er fordelt slik:

Redaktør og dagleg leiar: 100 %

To journalistar i 50% stilling

Marknadskonsulent: 30 %

Forretningsfører: 20 %

### Samfunnsrolle:

Avisa er viktig både som nyheitsformidlar, debattorgan, informasjonstorg og «vaktbikkje». Samningen bind lokalsamfunnet saman og gjev det frivillige arbeidet stor spalteplass. For kommunen og dei folkevalde er avisa ein viktig informasjonskanal, og eit organ som får fram ulike syn – enten debatten skjer i kommunestyresalen eller i lesarbrevspaltene. Lokalavisa har, her som andre stader, ein sentral funksjon når det gjeld å oppretthalda eit levande lokaldemokrati.

**Eigartilhøve:**

Samningen vart etablert i 1976. Avisa er no inne i sin 43. årgang. Utgjevar er Samnanger Bladlag AS, som er eigd av ca. 200 småaksjonærar. Avisa har altså ikkje noko konsern i ryggen som utviklar digitale løysingar. Alt må gjerast med egne og leigde ressursar. Bladlaget betalar ikkje utbyte, og har utelukkande eit ideelt og samfunnsnyttig formål.

**Økonomi:**

Samnanger har ca. 1.050 husstandar og relativt få næringsdrivande. Dette gjer det utfordrande å driva lokalavis. Endringar i opplaget eller annonsetilgangen kan fort få konsekvensar.

Tre av dei fem siste åra (2013-17) har bladlaget gått med underskot. Støtte frå kommunen sitt næringsfond er difor svært viktig for å kunna realisera e-avisa. (For 2018 er ikkje rekneskapen avslutta, men det er håp om å koma ut i balanse).

**E-avis:**

Samningen har sett på ulike løysingar for å kunna tilby lesarane ei digital utgåve av papiravisa. Felles for alle er at dei inneber både investeringskostnader og månadlege driftsutgifter. Me har difor ført ein 12 månaders innkjøringsfase som del av det prosjektet me søker støtte til.

Etter å ha vurdert fleire alternativ ser me Visiolink si løysing med app for iOS, Android og desktop som det mest aktuelle for å få på plass ei brukarvennleg digital utgåve av avisa. Visiolink er ein stor leverandør som har mange norske aviser på kundelista. Selskapet samarbeider med Landslaget for lokalaviser, og leverer løysingar som også er tilpassa små aviser. I appen kan det leggjast inn ei rekkje funksjonar – etter ønskje og behov. Den er lett å lasta ned og ta i bruk, og gjev rask og enkel tilgang til avisa.

**Kostnadsoverslag:**

|                                                                                                                          |                      |
|--------------------------------------------------------------------------------------------------------------------------|----------------------|
| • App for nedlasting av avis, inkludert arkivsøk, tidlegpublisering, klikkbare annonser og meldingsfunksjon til lesarane | kr. 84.000,-         |
| • Installasjon, test og kvalitetssikring                                                                                 | kr. 8.000,-          |
| • Indeksering av Samningen sitt arkiv for åra 2012 - 2018                                                                | kr. 2.000,-          |
| • Arbeid i Samningen knytt til førebuing, gjennomføring og opplæring                                                     | kr. 20.000,-         |
| • Utarbeiding av informasjon til abonnentar/brukarar                                                                     | kr. 8.000,-          |
| • Innkjøring første 12 mnd.                                                                                              | kr. 32.000,-         |
| • Uføresette kostnader                                                                                                   | kr. 16.000,-         |
| <b>Totalt</b>                                                                                                            | <b>kr. 170.000,-</b> |

**Finansiering:**

|                           |               |
|---------------------------|---------------|
| Samnanger Bladlag AS      | Kr. 50.000,-  |
| Tilskot frå næringsfondet | Kr. 120.000,- |



Me håpar på velvilje frå kommunen si side, og minner om at Samningen utfører ei svært viktig oppgåve i lokalsamfunnet.

Samnanger 21.01.2019

Samnanger Bladlag AS

A handwritten signature in black ink, appearing to read 'Hallvard Tysse', with a stylized flourish at the end.

Hallvard Tysse  
Redaktør og dagleg leiar



## SAKSFRAMLEGG

|                                               |                                  |
|-----------------------------------------------|----------------------------------|
| <b>Sakshandsamar:</b> Meline Heimdal Haugland | <b>Arkivkode:</b> FE-223, FA-C00 |
| <b>Arkivsaksnr:</b> 18/783                    | <b>Løpenr:</b> 19/814            |
| <b>Sakstype:</b> Politisk sak                 |                                  |

## SAKSGANG

| Styre, utval, komité m.m. | Møtedato   | Saksnr   |
|---------------------------|------------|----------|
| Formannskapet             | 07.02.2019 | 004/2019 |

## Søknad om endring av kommunal garanti for dagsfestivalen Samningakraft

**Rådmannen sitt framlegg til vedtak:**

Innvilga underskotsgaranti på kr 200 000 vert trekt.

Samnanger Live AS vert gitt kr 10 000 i tilskot til markedsføring av Samningakraft uavhengig av gjennomføring av arrangement. Tilskotet vert gitt med følgjande forbehold:

- Innan 01.04.19 skal det leverast ein plan for gjennomføring til administrasjon som inneheldt punkta: infrastruktur, skilting, sikkerhet, støy, reinhald og hygiene, servering, sjenkebevilling, bruk av frivillige, sponsorar, stadfesting av artistar samt tillatelse frå grunneigarar og politiet og melding til barnnvesenet og mattilsynet.
- Administrasjonen må syta for at det er tilbakestillingsgaranti i utleigekontrakten.

Tilskotet vert finansiert frå næringsfondet konto 1.1400.3251

Dersom arrangementet vert gjennomført vert det gitt inntil kr 30 000 i tilskot som skal gå til frivillige lag i kommunen og inntil kr 10 000 til container og lastebil. Arrangøren må på dette tidspunktet ha eit registrert organisasjonsnummer. Tilskotet vert finansiert frå næringsfondet konto 1.1400.3251. dersom arrangementet ikkje har økonomiske midlar til å finansiere dette sjølv. Utbetalinga skjer ved framsyning av sluttrekneskap.

**Dokument som er vedlagt:**

Søknad om endring av kommunal garanti mottatt 16.01.19

Vedtak i Kommunestyret 08.11.18 sak nr. 041-2018

**Dokument som ikkje er vedlagt:**

Søknad om underskotsgaranti mottatt 27.08.18

Vedtak i Formannskapet 25.10.18 sak nr. 052-2018

**Kva saka gjeld:**

Måndag 27.08.18 mottok Samnanger kommune søknad frå Knut Høibraaten og Daniel Kvamme om inntil kr 200 000 i underskotsgaranti til dagsfestivalen Samningakraft. Søknaden vart fyrst handsama i

Formannskapet 25.10.18 og deretter i Kommunestyret 08.11.18 som sak nr. 041/2018. I vedtaket vert Samningakraft gitt garanti på inntil kr 200 000 til dagsfestival på Bjørkheim 01.06.18, med forbehold.

Samnanger Live AS, selskapet bak arrangementet, ønskjer å endra den opprinnelege søknaden. I søknad mottatt 16.01.18 ønskjer dei å søka om kr 10 000 i tilskot på førehand av arrangementet og kr 40 000 i etterkant av arrangementet, men berre om arrangementet vert gjennomført. Det vil ikkje vera behov for den innvilga underskotsgaranti på kr 200 000.

Summane i søknaden er fordelt slik:

Kr 10 000 til markesføring, med ønskje om utbetaling så snart som råd.

Kr 30 000 til frivillige som kun vert utbetalt ved gjennomført arrangement.

Kr 10 000 til container og kostebil som kun vert utbetalt ved gjennomført arrangement.

#### **Vurderingar og konsekvensar:**

Opprinneleg søknad om underskotsgaranti på inntil kr 200 000 ville berre tredd i kraft om forbeholda i vedtak 041/2018 vart innvilga. Maks utgift for kommunen ville vore kr 200 000 og minste utgift ville vore kr 0.

I den nye søknaden ber Samnanger Live As om eit tilskot på kr 50 000, men kr 40 000 av desse vert berre aktuelt dersom arrangementet vert gjennomført. Det einaste me veit for sikkert er utgiftene på kr 10 000 dersom ein vedtek å innvilga søknaden. Maksutgiftene for kommunen vil vera kr 50 000 og minste utgift vil vera kr 10 000. Det vert sett føresetnad om at tilskotet på inntil 40.000 kroner vert gjeve dersom arrangementet ikkje kan finansiere dette sjølv.

Sjølv om den nye søknaden fører til ei garantert utgift på kr 10 000 vert risikoen vurdert som mindre enn ved innvilga underskotsgaranti på inntil kr 200 000. Me kan likevel ikkje seia dette for sikkert før ein veit om arrangementet vert gjennomført, og om det eventuelt går i underskot.

Tilskot til markedsføring meiner me kan bidra til positive ringverknader for Samnanger kommune med tanke på omdømebygging, og tilskot til frivillige vil koma frivillige lag i kommunen til gode. Kommunestyret innvilga underskotsgarantien som no Samningakraft seier i frå seg, og får meddelt dette til neste møte. Denne søknaden om søknad om tilskot ligg til formannskapet å handsame.

Samnanger Kommune

v/ rådmann - Charlotte Hageberg

Samnanger 15.01.2019

***Søknad om endring av kommunal garanti på kr 200.000,- fattet i kommunestyre 8/11-2018, i forbindelse med arrangementet Samningakraft 2019.***

Samnanger Live AS, selskapet bak arrangementet Samningakraft, ønsker med dette å søke om en lavere sum som tilskudd, enn det som er bedt om i tidligere innvilget underskuddsgaranti.

Summen det bes om er kr 10.000,- + kr 40.000,- og er planlagt brukt slik:

***Kr 10.000 – Markedsføring***

Samnanger Live AS har satset til dags dato ca kr 50.000,- på arrangementet. Dette er penger, og ikke minst arbeidsinnsats, som er å anse som tapt dersom arrangementet ikke blir gjennomført.

Det hadde vært kjempefint og ønskelig om kommunen kunne tatt noen av disse kostnadene til markedsføring, med tanke på at det er markedsføring av Samnanger som kommune dette i stor grad handler om også. Pengene skal brukes til trykking av plakater, annonsering og kjøp av reklameplass i sosiale medier. Vi ønsker at disse kr 10.000,- blir gitt så snart som mulig dersom det er rom for det, helst innen utløpet av januar 2019.

***Kr 30.000 – Frivillige***

Det vil være bruk for minst 50 frivillige i forbindelse med avviklingen av Samningakraft 2019, bl. annet til parkering, inngang, verter/ vertinner, rydding etc. Vi vil bruke lokale lag som idrettslaget, Lions, musikklaget, ungdomslagene etc.


***Kr 10.000 – Container og kostebil***

Det leies inn container hvor de frivillige samler alt søppel, og til slutt blir hele Bjørkheim vasket/ kostet med innleid kostebil. Vi ønsker også at kommunen ved teknisk etat hjelper med tilbakeføring av parkområdet.

Disse totalt kr 40.000,- blir kun belastet kommunen dersom det faktisk blir gjennomført et arrangement. De bes da utbetalt mandagen etter arrangementet, mandag 3 juni 2019.


Med vennlig hilsen

For Samnanger Live AS



Knut Høibraaten

Arrangør



Daniel Kvamme

Styreleder

Prosjektet Samningakraft vert gitt garanti på inntil kr 200 000 til dagsfestival på Bjørkheim 01.06.18 med følgjande forbehold:

- Garantien gjelder utgifter til honorar for artistar.
- Inntekter ved billettsal er minimum kr 500 000 innan 25.03.18.
- Innan 01.04.18 avgjer administrasjonen om garantien trer i kraft. Saman med dokumentasjon på billettinntekter skal det óg leggjast ved oppdatert plan for gjennomføring som innheldt punkta: infrastruktur, skilting, sikkerhet, støy, reihald og hygiene, servering, sjenkebevilling, bruk av frivillige, sponsorar, stadfesting av artistar samt tillatelse frå grunneigarar og politiet og melding til brannvesenet og mattilsynet.
- Utbetaling av underskotsgaranti skjer ved framvising av sluttrekneskap.
- Garantien vert lagt inn i budsjettet for 2019. Midlane vert løyvd frå disposisjonsfondet.

Før garanti kan gjevast må følgjande på plass:

- Arrangøren må ha eit registrert organisasjonsnummer.
- Arrangøren må leggja fram eit fullstendig budsjett.
- Administrasjonen må syta for at det er tilbakestillingsgaranti i utleigekontrakt.



## SAKSFRAMLEGG

|                                       |                          |
|---------------------------------------|--------------------------|
| <b>Sakshandsamar:</b> Hilde-Lill Våge | <b>Arkivkode:</b> FE-223 |
| <b>Arkivsaksnr:</b> 18/951            | <b>Løpenr:</b> 19/889    |
| <b>Sakstype:</b> Politisk sak         |                          |

## SAKSGANG

| Styre, utval, komité m.m. | Møtedato   | Saksnr   |
|---------------------------|------------|----------|
| Formannskapet             | 07.02.2019 | 005/2019 |

## Søknad om tilskot til løypepreparering Kvamskogen Vel

### Rådmannen sitt framlegg til vedtak:

Samnanger kommune løyver inntil kroner 15.000 i tilskot til Kvamskogen Vel frå næringsfondet konto 1.1400.3251 til løypepreparering på Kvamskogen. Tilskotet vert utbetalt ved dokumentasjon av faktiske utgifter og gjeld i inntil 2 år frå vedtaksdato. Dersom Kvamskogen vel ønskjer eit årleg tilskot ber kommunen om at det vert sendt inn ein søknad til handsaming i budsjett- og økonomiplanen 2020-24. Fristen er 1 april 2019.

### Dokument som er vedlagt:

Søknad til Samnanger kommune om løypetilskudd 2019

### Dokument som ikkje er vedlagt:

(slett denne teksten dersom du ikkje viser til dokument som ikkje er vedlagt)

**Kva saka gjeld:** Kvamskogen Vel søker om kroner 50.000 i tilskot til løypepreparering.

**Vurderingar og konsekvensar:** Løypepreparering på Kvamskogen er eit fellesprosjekt mellom fleire aktørar.

Budsjettet på totalt om lag 1 million kroner er fordelt på følgjande:

|                  |               |
|------------------|---------------|
| Hytteigarar      | kr. 500.000,- |
| Kvam Herad       | kr. 130.000,- |
| Hordaland fylke  | kr. 100.000,- |
| Næringslivet ca. | kr. 170.000,- |
| Grunneigarar ca. | kr. 110.000,- |
| BOF              | kr. 30.000,-  |
| Kvamskogen Vel   | kr. 30.000,-  |

Kvamskogen Vel er og i dialog med Bergen kommune om tilskot.

Kvamskogen Vel arbeider for at deira medlemmer skal bidra meir med midlar, men det føresett ein lovnad om betre og oftare løypepreparering.

Av talet hytter som er medlem i velforeininga ligg ein mindre andel i Samnanger kommune. Kvamskogen er likevel eit svært populært utfartsområde for både innbyggjarar i Samnanger og i nabokommunane. Det er her og spørsmål om årleg tilskot, noko som kan verte teken opp i budsjett og økonomiplanen for 2020-24. For 2019 kan formannskapet ta stilling til om dei vil løyve midlar finansiert frå næringsfondet. Det mest vanlige har vore å gje inntil 30% i tilskot. Dette utgjer 15.000 i tilskot frå Samnanger kommune.





## Kvamskogen Vel

Interesseorganisasjon på  
Kvamskogen

Samnanger kommune  
Rådmann Charlotte Hageberg  
postmottak@samnanger.kommune.no

Kopi til: Ordfører Knut Harald Frøland

Bergen, 24.01.2019

### SØKNAD OM TILSKUDD TIL LØYPEPREPARERING PÅ KVAMSKOGEN.

Jeg viser til svært hyggelig møte på biblioteket på Bjørkheim 22.1.19, og ser frem til et godt samarbeid med Samnanger kommune fremover.

Som jeg fremsatte forslag om i møtet, følger jeg herved opp en søknad fra Kvamskogen Vel om at Samnanger kommune også deltar med bidrag til løypepreparering på Kvamskogen.

Løypeprepareringen på Kvamskogen er et felles prosjekt mellom mange. Det er Kvamskogen Næringslag som administrerer ordningen. Budsjettet for 2019 er totalt på vel 1 mill.kr. Herav bidrar hytteeierne i størrelsesorden kr. 500.000,-, Kvam Herad med kr. 130.000,-, Hordaland fylke med kr. 100.000,-, Næingslivet med ca. kr. 170.000,-, Grunneiere med ca. kr. 110.000,-, BOF med kr. 30.000,-, Kvamskogen Vel med kr. 30.000,-.. Kvamskogen Vel er i dialog med Bergen kommune om tilskudd fra dem.

Det er et ønske fra Kvamskogen Vel at løypeprepareringen på Kvamskogen forbedres og forlenges. Dette vil kreve ytterlige midler. Kvamskogen Vel arbeider for at våre medlemmer og andre hytteeiere på Kvamskogen og i Eikedalen bidrar mer, men dette vil også kreve at vi kan love bedre, og oftere løypepreparering.

I forbindelse med dette, jobber vi for at vi kan ha to løypemaskiner i virksomhet, ikke kun en, fordi kun en maskin setter store begrensninger i muligheter for å forlenge og forbedre løyper.

**Vi søker derfor Samnanger kommune om støtte til løypepreparering med kr. 50.000,- pr. år, første år i 2019.**

Vi håper på positiv behandling av vår søknad.

Vennlig hilsen

Eva Grimstad  
Styreleder

Postadresse styreleder :  
Kvamskogen Vel  
v/ Eva Grimstad  
C. Sundtsgate 36  
5004 Bergen

Postadresse kasserer :  
Kvamskogen Vel  
v/ Øyvind Valland  
Nedre Norheim 27  
5600 Norheimsund

Telefon styreleder:  
Telefon kasserer:  
Bankkonto  
Organisasjons nr.  
E-mail  
E-mail styreleder:  
E-mail kasserer  
Hjemmeside

905 88 889  
996 09 795  
5235.20.14834  
975 794 482  
post@kvamskogen-vel.no  
eva-grim@online.no  
kasserer@kvamskogen-vel.no  
<http://www.kvamskogen-vel.no>





## SAKSFRAMLEGG

|                                     |                          |
|-------------------------------------|--------------------------|
| <b>Sakshandsamar:</b> Jan Erik Boge | <b>Arkivkode:</b> FE-223 |
| <b>Arkivsaksnr:</b> 18/951          | <b>Løpenr:</b> 19/908    |
| <b>Sakstype:</b> Politisk sak       |                          |

## SAKSGANG

| Styre, utval, komité m.m. | Møtedato   | Saksnr   |
|---------------------------|------------|----------|
| Formannskapet             | 07.02.2019 | 006/2019 |
| Kommunestyret             |            |          |

**Søknad frå Kvamnet AS om økonomisk støtte til delar av ekstrakostnader fiberanlegg Rolvsvåg - Saga****Rådmannen sitt framlegg til vedtak:**

Kvamnet AS sin søknad om økonomisk støtte frå Samnanger kommune på 120 000 kroner for å dekkja delar (ca. 20%) av uføresette ekstrakostnader til fiberutbygginga i området Rolvsvåg – Saga, vert innvilga. Vedtaket vert finansiert som følgjer:

- 65.000 kroner – resterande/udisponert sum av breibandsmidlane (349.000 kroner) som vart løyvd av kommunestyret i 2017 til utbygging i området Rolvsvåg – Saga.
- 55.000 kroner av breibandsmidlane (100.000 kroner) som er avsett frå næringsfondet i 2019-budsjettet.

**Dokument som er vedlagt:**

Søknad frå Kvamnet AS

**Kva saka gjeld:**

Samnanger kommune fekk i 2017 tilsegn frå Hordaland fylkeskommune om tilskot på inntil 1 millionar kroner til utbygging av breiband i området Rolvsvåg – Saga. I tillegg vedtok kommunestyret i juni 2017 (sak 026/2017) at Samnanger kommune kunne gje inntil 349.000 kroner i kommunalt tilskot til denne utbygginga, dersom det fylkeskommunale tilskotet ikkje vart tilstrekkeleg til å få realisert utbygging.

Kommunen gjennomførte i slutten av 2017 konkurranse om utbygginga. Kvamnet AS var einaste firma som gav tilbod i konkurransen, og vart vald som utbyggjar. Utbyggingskontrakt vart inngått i januar 2018. Budsjettet for utbygginga var som følgjer, jf. tilbod frå Kvamnet AS og inngått kontrakt mellom kommunen og Kvamnet AS:

| <b>Tekst</b>                               | <b>Sum ekskl. mva</b> |
|--------------------------------------------|-----------------------|
| Bidrag/tilskot frå Samnanger kommune       | 170.000               |
| Bidrag/tilskot frå Hordaland fylkeskommune | 1.000.000             |
| Eigenfinansiering Kvamnet AS               | 2.000.000             |
| <b>Samla utbyggingskostnad</b>             | <b>3.170.000</b>      |

Utbygginga vart fullført i desember 2018. Det viser seg at utbygginga vart ein god del dyrare enn budsjettet. Byggerekneskapet viser ein utbyggingskostnad for Kvamnet AS på 4.257.893 kroner, d.v.s. nesten 1,1 millionar kroner meir enn budsjettet.

Kvamnet AS søker i brev datert 10.01.2019 om økonomisk støtte frå Samnanger kommune på 120.000 kroner for å dekkja delar av overskridinga. Det går fram av søknaden at Kvamnet AS meiner at om lag 600.000 kroner av overskridinga skuldast forhold som Kvamnet AS i liten grad har kunne påverka. Dette gjeld ekstraavgifter som følgje av forsinkelsar relatert til søknad om bruk av BKK-stolpar. Kvamnet AS søker om at Samnanger kommune dekkar 20% av denne ekstrakostnaden, d.v.s. 120.000 kroner av ekstrakostnaden på ca. 600.000 kroner. For nærmare informasjon vert det vist til Kvamnet AS sin søknad, som følgjer vedlagt.

#### **Vurderingar og konsekvensar:**

Samnanger kommune sitt formelle ansvar i denne saka er avgrensa til å utbetala det avtalte kommunale tilskotet på 170.000 kroner, samt å syta for utbetaling av det fylkeskommunale tilskotet på 1 millionar kroner. Ut over dette har ikkje kommunen nokon økonomiske forpliktelsar knytt til utbygginga eller drifta av fiberanlegget i området Rolvsvåg - Saga. Det er Kvamnet AS som er både utbyggjar, eigar og driftsansvarleg for fiberanlegget.

Kommunen må uansett likevel ta stilling til søknaden frå Kvamnet AS om kommunal økonomisk støtte på ytterlegare 120.000 kroner.

Ei viktig effekt av utbygginga er at det no er tilbod om breiband i det kommunale industrifeltet i Rolvsvåg. Dette er eit tilbod som er svært viktig for fleire av verksemdene i industrifeltet, og som truleg vil vera viktig for eventuelle nyetableringar i åra som kjem. Frå kommunen si side er det derfor svært viktig at Kvamnet AS var villig til å ta på seg denne utbygginga.

Som nevnt ovanfor i saksframlegget vedtok kommunestyret i 2017 at kommunen kunne gje inntil 349.000 kroner i tilskot til denne utbygginga. Delar av summen vart omdisponert av kommunestyret i 2018, men framleis er likevel ca. 66.000 kroner av summen ikkje brukt/disponert. Nedanfor følgjer oversikt som viser korleis den opprinnelege summen på 349.000 kroner er brukt/disponert/omdisponert:

| <b>Tekst</b>                                                                                                                            | <b>Sum ekskl. mva</b> |
|-----------------------------------------------------------------------------------------------------------------------------------------|-----------------------|
| Bidrag/tilskot frå Samnanger kommune til Kvamnet AS, jf. inngått kontrakt om fiberutbygging Rolvsvåg - Saga                             | 170 000               |
| Konsulentbistand gjennomføring av konkurranse om utbygging/kontrakt fiberutbygging Rolvsvåg - Saga                                      | 30 000                |
| Konsulentbistand søknader om breibandstilskot 2018 og konsulentbistand for å få realisert fiberutbygging i Bjelkarvikvegen og på Ådland | 32 000                |
| Annonsering kartlegging av breiband i Samnanger                                                                                         | 2 000                 |
| Kommunal støtte til fiberutbygging i Bjelkarvikvegen og på Ådland                                                                       | 50 000                |
| <b>Sum brukt/disponert/omdisponert pr. 30.01.2019</b>                                                                                   | <b>284 000</b>        |
| <b>Restsum/udisponert pr. 30.01.2019</b>                                                                                                | <b>65 000</b>         |

Restsummen på ca 65.000 kroner vil derfor kunne brukast utan å ta midlar frå næringsfondet.

I kommunestyret sitt budsjettvedtak for 2019 vart det sett av 100.000 kroner til kommunalt tilskot til breibandsutbygging. Desse midlane er tenkt brukt til kommunal delfinansiering for å få realisert breibandsutbygging i område der rein kommersiell utbygging ikkje vil bli gjennomført. Desse midlane er finansiert av næringsfondet. Det vil vera mogleg å bruka av desse midlane for å gje tilskot til Kvamnet AS for fiberutbygginga i området Rolvsvåg – Saga. Pr. 30.01.2019 står det 489.551 kroner på næringsfondet.

Rådmannen tilrår at søknaden frå Kvamnet AS om økonomisk støtte på 120.000 kroner, for å dekke delar (ca. 20%) av den uføresette ekstrakostnaden ved fiberutbygginga i området Rolvsvåg – Saga, vert innvilga. Rådmannen tilrår at den kommunale støtta vert finansiert som følgjer:

- 65.000 kroner – resterande/udisponert sum av breibandsmidlane som vart løyvd av kommunestyret i 2017 til utbygging i området Rolvsvåg – Saga
- 55.000 kroner av breibandsmidlane (100.000 kroner) som er avsett på næringsfondet i 2019-budsjettet.

Dersom rådmannen si tilråding vert følgt, vil Kvamnet AS til saman få 290.000 kroner i økonomisk støtte frå Samnanger kommune til fiberutbygginga i området Rolvsvåg – Saga:

- 170.000 kroner jf. inngått kontrakt mellom kommunen og Kvamnet AS
- 120.000 kroner i økonomisk støtte til dekking av 20% av uføresette utbyggingskostnader

Det er kommunestyret som må gjera endeleg vedtak i denne saka.

Samnanger kommune

v/ Jan Erik Boge



Postadr.: Pb. 90 - 5601 Norheimsund  
Besøksadr.: Grovagleiet 6  
Tel. 56 55 11 11 - Fax. 56 55 27 20  
firmapost@kvamnet.no  
www.kvamnet.no  
Foretaksnr.: NO 987 025 735 MVA

### **Søknad om støtte til deler av ekstrakostnader som er påløpt i fiberanlegget Sagen – Rolvsvåg.**

Kvamnet AS er nå ferdig med fiberprosjektet vi skulle bygge i Sagen – Rolvsvåg området etter konkurranse ved Samnanger kommune tidligere. Prosjektet stod ferdig 21. desember 2018 og er nå i normal drift.

Kvamnet AS leverte inn tilbud i henhold til reglene som var anført i konkurranse grunnlaget. I følge grunnlaget skulle den som vant konkurransen få avtale i desember 2017. Basert på dette hadde Kvamnet tilbud om ferdigstillelse innen utgangen av august, det vil si ca. 8 måneders byggetid.

Kvamnet AS hadde også forutsatt at store deler av dette anlegget skulle bygges i etablerte stolper av BKK og Telenor. Kvamnet AS ville derfor søke om innplassering i disse stolpene slik som en har gjort mange andre steder. En innplassering koster kr 3250 kr pr. stolpe og dette var det også budsjettet med.

Kvamnet AS fikk signert kontrakt av kommunen 24. januar 2018 og startet da umiddelbart å arbeide med søknad om innplassering av stolper til Telenor og BKK.

Søknaden til Telenor gikk forholdsvis raskt gjennom, men søknaden til BKK ble dessverre ikke behandlet av BKK før til sommerferien. (Vi fikk svar fra BKK 22. juni 2018) Og da hadde vi gjentatte ganger gjennom hele våren purret på BKK.

De forskjellige stolpene er blandet slik at Kvamnet ikke kunne begynne på luftdelen av anlegget før BKK også hadde klarert søknaden.

Dette gjorde det umulig å bygge anlegget ferdig til 31.08.2018. Dette ble diskutert med Samnanger kommune og en var enige om at en i hvert fall måtte bli ferdige før 31.12.18 slik at en fikk tilskuddet fra Hordaland Fylke som var avhengig av ferdigstillelse før 31.12.18.

Kvamnet AS startet da byggingen for fullt etter ferien og arbeidet ut fra å gjøre anlegget ferdig innen utgangen av året.

Dessverre fikk vi også melding av BKK 22. juni 2018 at de gav avslag på en god del stolper som ikke var gode nok til at vi kunne bruke de. Stolpene måtte først byttes. Dette hadde vi ikke anledning å gjøre, BKK krevde at de skulle gjøre det og vi måtte bestille dette arbeidet hos BKK. Vi bestilte det etter at vi fikk svar på søknaden at der var det anført at 6 stolper måtte byttes. (Vi sendte bestillingen til BKK 26. juni 2018).

Dessverre hadde ikke BKK kapasitet til å bytte disse stolpene raskt og dette var med på å forsinke prosjektet ytterligere.

Av denne grunn måtte Kvamnet AS inngå avtale med FUBI at de hengte opp alle fibrene til kundene, da Kvamnet sine egne folk ikke kunne klare å utføre både skøyting og innkobling av husstandene og oppheng av fiber til husene på så kort tid.

Regnskapet for dette prosjektet dokumenterer at det er brukt mere penger enn budsjettet på en del poster som en følge av forsinkelsene med søknad og bytte av stolper.

En viser da til postene:

|                          |                         |
|--------------------------|-------------------------|
| Nye stolper              | Avvik kr 65 332         |
| Oppheng og blåsing fiber | Avvik kr 534 095        |
| <b>Til sammen</b>        | <b>Avvik kr 599 427</b> |

Det er også andre avvik, men de skal vi ikke klandre andre enn oss selv for. Avvikene ovenfor var vanskelig for Kvamnet AS å ta høyde for da tilbudet ble skrevet.

Det var helt unormalt at det skulle gå 4 – 5 måneder å få svar på en fellesføringssøknad samt at det skulle ta nesten like lang tid å bytte de stolpene som vi ikke fikk tillatelse å gå opp i da søknaden ble besvart.

Med dette som bakgrunn tillater derfor Kvamnet AS seg å søke til Samnanger kommune om økonomisk støtte til å dekke 20 % av disse ekstra kostnadene som er dokumentert i regnskapet for prosjektet.

20 % av kostandene utgjør ca. kr 120 000,-

Vi håper Samnanger kommune kan behandle denne søknaden positivt.

Vedlagt følger byggregnskapet for ferdig prosjekt.

Norheimsund 10. Januar 2019

Med vennlig hilsen

For Kvamnet AS



Steinar Foss Andersen

Daglig leder

## Byggeregnskap Fiberanlegg Sagen - Rolvsvåg

|                             | BUDSJETT         | FAKTISK          | AVVIK             |
|-----------------------------|------------------|------------------|-------------------|
| Planlegging                 | 40 000           | 74 449           | -34 449           |
| Innplassering               | 410 000          | 606 441          | -196 441          |
| Trenching Fiber             | 500 000          | 521 907          | -21 907           |
| Graving grøfter/Grøfter hus | 400 000          | 510 669          | -110 669          |
| Nye Stolper                 | 40 000           | 105 332          | -65 332           |
| Skogrydding                 | 55 000           | 80 000           | -25 000           |
| Skap med montering          | 125 000          | 130 387          | -5 387            |
| Grøfter hus (se post over)  | 0                |                  | 0                 |
| Fibermateriell              | 300 000          | 310 098          | -10 098           |
| Kundeutstyr                 | 130 000          | 129 743          | 257               |
| Installasjonsarb. kunder    | 90 000           | 85 757           | 4 243             |
| Tårn, Node og Strøm (UPS)   | 250 000          | 408 098          | -158 098          |
| Linker til sentral          | 130 000          | 122 634          | 7 366             |
| Switch                      | 200 000          | 131 338          | 68 662            |
| Oppheng og blåsing fiber    | 400 000          | 934 095          | -534 095          |
| Skøyting Fiber              | 100 000          | 106 945          | -6 945            |
| <b>SUM</b>                  | <b>3 170 000</b> | <b>4 257 893</b> | <b>-1 087 893</b> |

Norheimsund 31. desember 2018



## SAKSFRAMLEGG

|                                     |                          |
|-------------------------------------|--------------------------|
| <b>Sakshandsamar:</b> Jan Erik Boge | <b>Arkivkode:</b> FE-153 |
| <b>Arkivsaksnr:</b> 19/134          | <b>Løpenr:</b> 19/844    |
| <b>Sakstype:</b> Politisk sak       |                          |

### SAKSGANG

| Styre, utval, komité m.m. | Møtedato   | Saksnr   |
|---------------------------|------------|----------|
| Formannskapet             | 07.02.2019 | 007/2019 |
| Kommunestyret             |            |          |

### Tilleggslyyving til ny stilling på HR (løns- og personalkontoret)

#### Rådmannen sitt framlegg til vedtak:

Rådmannen får fullmakt til å utvida stillingsramma i rådmannen sin stab med 100% stilling i tidsrommet 01.04.2019 – 31.12.2019. Stillinga skal primært vera knytt til HR (løns- og personalkontoret). Det vert gjeve tilleggslyyving frå disposisjonsfondet på inntil 460.000 kroner til finansiering av lønsutgiftene for denne stillinga i 2019.

Frå og med 01.01.2020 vert stillinga delt i to stillingsdelar:

1. Ca. 50% konsulentstilling ved HR (løns- og personalkontoret)
2. Ca. 50% stilling som IKT-koordinator

Lønsmidlar til 50% stilling som IKT-koordinator ligg allereie inne i økonomiplanen frå og med 2020. Lønsmidlar til den resterande 50%-stillingsdelen må leggjast inn i rådmannen sitt budsjettframlegg for 2020.

#### Kva saka gjeld:

HR er ein del av rådmannen sin stab, og har dei siste åra hatt 2 faste årsverk (leiar og konsulent). Ansvarsområdet til HR er mellom ann lønsarbeid, tilsetjingar, pensjon, fråværsregistrering/rapportering, leiaropplæring, arbeid knytt til inkluderande arbeidsliv, bistand til einingane i personalsaker. Over mange år har det vore eit svært stort arbeidspress på dei tilsette på HR, og det har i lange periodar vore behov for ekstra stillingsressursar for å få utført alle nødvendige arbeidsoppgåver. Det siste tida har HR fått bistand både frå økonomikontoret (gjeld arbeid knytt til refusjonar frå NAV) og sørvissenteret (gjeld arbeid med registrering av timelister m.m.). På sikt er dette ikkje ikkje ei haldbar løysing, verken for HR, økonomikontoret eller sørvissenteret.

Sjølv med dei ekstraressursane som har vore sett inn, har dei 2 faste tilsette ved HR måtte jobba mykje ekstra for å få gjort alle arbeidsoppgåvene sine.

*Meir om utfordringane ved HR*

Utfordringane er i hovudsak intervju og tilsettingar, personalsaker og tidspresset rundt lønskøytinga. Tilsetjingsprosessen tek mykje tid og det er ikkje ressursar nok til å handtera alt innan vanleg arbeidstid. Både konsulent og leiar må ta med seg søknadar heim og lesa, for å forbereda seg til intervju. På ei vek har leiar hatt 10 intervju. Leiar er redd dette er for mykje og at kvaliteten på intervjuet og prosessen blir for dårleg.

I løpet av det siste året har det vore ein del tunge personalsaker som HR har teke seg av. Slike saker tek mykje tid og må prioriterast. Tidlegare leiar og konsulent har brukt mykje tid på dette og konsekvensen vert at alt anna arbeid blir nedprioritert.

Arbeid det ikkje er tid til å få gjort og som må nedprioriterast i løpet av arbeidsdagen, tek leiar med seg heim og jobbar med om kveldane. Dette gjeld blant anna føring av timelister og registrering av arbeidsavtalar og fråvær. Når det nærmar seg lønskøyting må også konsulenten jobba ekstra for at alle skal få løn.

Alt av fagleg oppdatering vert gjort på kveldstid, konsulenten har brukt mange timar på dette i løpet av det siste året.

Samstundes med lønskøytinga skal refusjonane på sjukefråværet bokførast og avstemmast. Det er mykje jobb knytt til sjukefråvær og refusjon. Pr. d.d. blir dette arbeidet utført av konsulent på økonomikontoret (på grunn av manglande kapasitet ved HR), men oppgåva må på eit eller anna tidspunkt tilbakeførast til HR. Konsulent på økonomi anslår at arbeid med sjukefråvær og refusjonar tek om lag 4 dagar i månaden.

Kommunen har eit nærværprosjekt som vert styrt av rådmannen. I samband med dette har HR fått vera med i KLP sitt prosjekt og fått midlar til å driva eit underprosjekt som går på nærvær i barnehagane. Det er konsulent på HR som er prosjektleiar. Dette er eit viktig prosjekt og er noko HR verkeleg ynskjer å jobba meir med. Prosjektet varer over 2 år og krev mange arbeidstidmar frå både konsulent og leiar.

Andre viktige oppgåver som er vanskeleg å få prioritert i dag er mellom anna:

- Arbeid med utarbeiding og forbedring av rutinar og prosedyrar
- Arbeid med revisjon av planar og vedtekter innanfor HR-området
- Arbeid knytt til arbeidsmiljø/arbeidsmiljøutvalet/HMS
- Utviklingsarbeid

HR har eit stort ynskje om å få laga nye og betre rutinar og prosedyrar for eigen avdeling og for å få orden på fristar spesielt knytt til løn. Det er eit stort behov for endring og nytt syn på korleis me jobba og ikkje minst fristar som skal overhaldast. Dei ynskjer også å kunne vera i forkant og ha tid til å jobba skikkeleg med oppgåvene som dukka opp. Slik det er no er dei til stadigheit på etterskot og føler ikkje dei har den oversikten dei burde ha til ei kvar tid.

**Vurderingar og konsekvensar:**

Slik situasjonen er i dag, vurderer rådmannen at det for tida er behov for ei ekstra 100% stilling på HR. På sikt vil det ekstra stillingsbehovet vera lågare enn dette, som følgje av at kommunen skal skifta datasystem for løn/personal. Dette vil truleg skje seinast våren 2020. Datasystemet som kommunen har i dag er tungvint/svært arbeidskrevjande, og det vil vera mogleg å effektivisera lønsarbeidet ein god del med eit nytt datasystem. Etter innføringa av nytt datasystem anslår rådmannen at det ekstra stillingsbehovet ved HR vil vera minst 50% stilling. Dette bør vera ei stilling på konsulentnivå.

I kommunen sin økonomiplan ligg det med verknad frå 2020 inne lønsmidlar til ei fast 50% IKT-



ressursstilling. Dette er ei stilling som primært er tenkt brukt til:

- Koordinering av samarbeidet med IKT Nordhordland, for å få mest mogleg nytte/effekt av samarbeidet.
- Deltaking i prosjektarbeid innanfor IKT-området (digitaliseringsprosjekt, deltaking i anskaffelsesprosjekt i regi av IKT Nordhordland, diverse samarbeidsprosjekt m.m.).

IKT-koordinatorstillinga skal ikkje ha nokon form for IKT-driftsansvar i Samnanger, dette ansvaret skal IKT Nordhordland ha. I denne stillinga vil det derfor primært vera behov for ein person med god kompetanse innanfor administrasjon/forvaltning og prosjektarbeid. Også dette vil vera ei stilling på konsulentnivå.

Rådmannen ønskjer å sjå 50% konsulentstilling ved HR og 50% IKT-koordinatorstilling i samanheng. Rådmannen sitt prinsipielle syn er at kommunen så langt som mogleg bør prøva å tilby tilsette i administrasjonen full stilling (100% stilling). Det vil kunne vera ei god løysing å kombinera 50% stilling ved HR med 50% stilling som IKT-koordinator, dersom ein finn «rett person» med kvalifikasjonar/eigenskaper til å dekkja begge desse stillingane.

Rådmannen foreslår følgjande løysing:

1. Stillingsramma ved HR vert auka med ei 100% konsulentstilling i perioden 01.04.2019 – 31.12.2019.
2. Frå og med 01.01.2020 vert stillinga stillinga delt i følgjande to delar:
  - a. Ca 50% konsulent ved HR
  - b. Ca 50% IKT-koordinator

Rådmannen foreslår at ekstrakostnaden i 2019 (lønsmidlar til 100% stilling ved HR i tidsrommet 01.04.2019 – 31.12.2019) vert finansiert ved bruk av disposisjonsfondet. Frå og med 2020 må ekstrakostnaden leggjast inn i rådmannen sitt budsjett-/økonomiplanframlegg. Lønskostnaden for 100% stilling i tidsrommet 01.04.2019 – 31.12.2019 vil vera om lag 460.000 kroner, inkludert feriepengar og avgifter.

Årleg ekstra lønskostnad for 50% konsulentstilling ved HR frå og med 01.01.2020 vil vera om lag 300.000 kroner, inkludert feriepengar og avgifter. Lønsmidlar til 50% IKT-koordinatorstilling ligg allereie inne i den vedtekne økonomiplanen frå og med 01.01.2020.

Rådmannen har 28.01.2019 drøfta saka munnleg med hovudtillitsvald i Fagforbundet Samnanger.



Agnar Torsvik  
Olsvikveien 137  
5184 Olsvik


Dato: 19.12.2018  
Vår ref.: 2018/15262-4  
Saksbehandlar: erlhofs  
Dykkar ref.:

## Botnahytta, gnr. 1, bnr. 4 i Samnanger kommune - vedtak om mellombels freding

Med heimel i kulturminnelova § 22 nr. 4, jf. § 15 gjer Hordaland fylkeskommune følgjande vedtak:

Botnahytta, gnr. 1, bnr. 4 i Samnanger kommune (Askeladden-ID 212017-1, bygningsnummer 300719183171) vert mellombels freda. Fredinga omfattar heile bygningen med eksteriør, interiør og fast inventar.

Den mellombels freda bygningen er avmerka på kartutsnittet nedanfor.



**Grunngjeving for vedtaket**

Botnahytta er ei tømra jakthytte bygd i 1941. Under andre verdskrigen gjorde den avsides plasseringa ho til ein veleigna skjulestad for motstandsryrsla, og frå 1942 til 1945 vart hytta jamleg brukt av både Milorg og Saborg i Os, Samnanger og Bergen. Etter at eit canadisk bombefly måtte naudlanda i Os hausten 1944, låg mannskapet i skjul i Botnahytta før dei vart brakt over Nordsjøen til Storbritannia.

Hordaland fylkeskommune vurderer Botnahytta som eit kulturminne med nasjonal verdi, grunna hytta si historie under andre verdskrigen. Motstandsryrsla er ein viktig del av den norske krigshistoria, men samanlikna med okkupasjonsmaktens verksemd har motstandsarbeidet etterlate seg langt færre fysiske kulturminne. Dei som enno finst, vert difor ekstra verdifulle. Nedskotne allierte flygarar som rømte frå tyskkontrollerte område er eit omfattande fenomen frå den andre verdskrigen. Botnahytta er med dette ikkje berre eit kulturminne knytt til motstandsryrsla i Noreg, men òg til luftkrigen over Europa og særskilt til innsatsen for å ta hand om nedskotne flygarar. Botnahytta har i denne samanhengen fått internasjonal merksemd. Hytta framstår i dag mest mogleg som ho gjorde under krigen, og bortsett frå naudsynt istandsetting er ho svært lite endra.

Det har i lang tid vore ein konflikt mellom grunneigar og hytteeigar om retten til å ha hytta ståande på staden. Festetilhøvet vart sagt opp av grunneigaren frå 25. februar 2016. Saka har nyleg vore handsama i Bergen tingrett, som avgjorde at oppseiinga av festet er gyldig. Grunneigar har ved fleire høve ytra at han ønskjer hytta vekk frå staden og har gjeve hytteeigaren frist for å fjerna hytta til 15. desember 2018. Hordaland fylkeskommune vurderer at det no føreligg ein akutt fare for at eit kulturminne med nasjonal verdi går tapt og gjer difor vedtak om mellombels freding.

**Fredingsmynde**

Det følgjer av kulturminnelova § 15 at det kan fattast vedtak om freding av byggverk og anlegg av kulturhistorisk eller arkitektonisk verdi. Etter kulturminnelova § 22. nr. 4 kan det fattast vedtak om mellombels freding inntil det er teke avgjerd i sak om endeleg freding. Mynde til å fatta slikt vedtak er delegert til Hordaland fylkeskommune med Miljøverndepartementets vedtak av 30. juni 1989 med seinare endringar.

**Konsekvensar av fredingsvedtaket**

Vedtaket om mellombels freding inneber at bygningen ikkje kan bli rive, heilt eller delvis og at alle endringar og/eller inngrep utover vanleg vedlikehald skal godkjennast av Hordaland fylkeskommune.

**Klagehøve**

Vedtaket om mellombels freding kan påklagast til Riksantikvaren, jf. forvaltingslova § 28. Mogleg klage vert å stila til Riksantikvaren, men skal sendast til Hordaland fylkeskommune innan tre veker frå dette brevet er motteke.

Med helsing

Ingrid Holm Svendsen  
kst. fylkesrådmann

Per Morten Ekerhovd  
kst. fylkesdirektør kultur og idrett

*Brevet er godkjent elektronisk og har derfor inga underskrift.*

Sakshandsamarar: David Aasen Sandved, Erlend Hofstad

Kopi til:  
STIEGLER WKS ADVOKATFIRMA AS  
Bjarne Øvredal  
SAMNANGER KOMMUNE  
RIKSANTIKVAREN

---

**Fra:** Dagstad, Bjørnar <bjodag@kvam.kommune.no>  
**Sendt:** måndag 21. januar 2019 14:16  
**Til:** Marianne Soleng  
**Emne:** Årsrapport sals- og skjenkekontrollen  
**Vedlegg:** Årsrapport\_2018.docx; Samanger 2018.xlsx

Med helsing  
Kvam herad

***Bjørnar Dagstad***

Leiar, eining for alkohol og servering  
Telefon: 56 55 30 00 (89 dir)  
E-post: [bjodag@kvam.kommune.no](mailto:bjodag@kvam.kommune.no)  
Kvam herad – [www.kvam.no](http://www.kvam.no)

Tenk på miljøet, det er ikkje sikkert du treng å skrive ut denne meldinga.

# Årsrapport frå sals- og skjenkekontrollen for 2018

## Alkohol

I 2018 vart det gjennomført 750 kontrollar totalt av sals- og skjenkekontrollen (721 i 2017). Det var registrert 243 faste løyver (232 løyver i 2017).

Sals- og skjenkekontrollen har komme i mål med det talet kontrollar som skal gjennomførast i kvar kommune. Ein oversikt over alle kontrollane er sendt til kvar einskild kommune.

Me er ganske nøgd med at det er færre stengde kontrollar enn tidligare år. Dette skyldast at me planlegg betre og har moglegheit til å målretta kontrollane i større grad. Fleire kontrollørar og fleire som jobbar i sesongane (t.d. påske, juni og juli), gjer at kommunane med veldig sesongbetont marknad, får fleire kontrollar medan skjenkeplassane er opne. Det vil alltid vere ein andel stengde kontrollar, fordi det er så stor skilnad mellom kommunane, og fordi det ville verta mykje «tomkøyring» om me berre skulle kjøre til opne plassar. Likevel har me som mål i 2019 å redusera talet på stengde kontrollar enda meir, mellom anna ved å ta i bruk eit årshjul i planlegginga. Denne problematikken er aller mest aktuell i høve skjenkeplassane.

Det har også i 2018 vore registrert få brot, det er skrevet 11 tilleggsrapportar. I tillegg er det gjeve nokre pålegg som retting av særleg IK-alkohol.

## Tobakk

2018 var det fyrste året med kontroll av tobakksalet. Det har vore brukt mest tid på å snakke med salsplassane, mellom anna for å gje råd om internkontrollen. Det var pr 31.12.18 registrert 123 salsplassar, kor 99 av desse er salsplassar som butikkar, kioskar og bensinstasjonar. Berre 24 serveringsplassar har registrert seg.

Sals og skjenkekontrollen har gjennomført 246 kontrollar av tobakksalet, noko som er nesten det som er pålagt. Det stod igjen 39 kontrollar ved årsskiftet. Tatt i betraktning at dette var fyrste året med tobakkskontroll, er me nøgde med det resultatet. Me valde også bevisst å ikkje ha kontrollar dei fyrste månadane etter at ordniga trådde i kraft, av omsyn til salsplassane.

I år er målet å gjennomføre det talet kontrollar som lova pålegg kommunane. Ein utfordring me vil sjå, er at sal av tobakk vil i større grad svinge enn sal av alkohol, som krevjer eit løyve. Me har allereie registrert at nokre av salsplassane ikkje lenger ynskjer å selja tobakk pga avgiften. Dette gjer det litt vanskeligare å sette eit heilt riktig tal på kor mange kontrollar som skal gjennomførast.

Det har ikkje vore skrevet nokon tilleggsrapportar på tobakk i 2018.

## Generelt

Sals- og skjenkekontrollen har hatt ein stabil personal i 2018. Det har vore lite sjukemelde, og ingen som har slutta før i desember. Me har følgjande bemanning:

- 1 100% stilling som leiar
- 1 45% stilling som kontrollør
- 1 25% stilling som kontrollør
- 3 15% stillingar som kontrollør.

Det vil verta tilsett ein ny kontrollør i 15% stilling så snart som mogleg som erstatning for den eine som slutta i desember.

Me har vore aktive i høve kursverksemd. Det har vore skjenkekurs i Odda, Ullensvang og Kvam. Me har også gjennomført ein personalsamling for alle tilsette, og vore med på storbykonferansen i regi av storbysamarbeidet, som me er ein del av fordi me er av dei største sals- og skjenkekontrollane i landet. Me har også vore med på fylkesmannen sine samlingar.

Det har vore gjennomført 2 samråingsmøter med samarbeidskommunane, med ganske bra oppmøte.

Vi er veldig nøgd med det samarbeidet som er i sals- og skjenkekontrollen. Kommunikasjonen mellom oss og kommunane har fungert svært bra, og me er nøgd med den informasjonen me får i høve løyver.

Me opplever også at sals- og skjenkeplassane er nøgde med vår linje: samarbeid framfor kontroll. Me ynskjer å gjere løyvehavarane i stand til å utøve løyvet på ein rikig og forsvarleg måte, noko me kjenner at dei også er interesserte i. Samstundes er me tydelege på at eit brot vil verta rapportert.

Me i sals- og skjenkekontrollen vil takke for den tilliten me får i oppdraget vårt. At alle ynskjer at me tek tobakkskontrollen er for oss ein stor tillitserklæring. Me takkar også for det gode samarbeidet, og gler oss til vidare samarbeid i 2019.

Med vennleg helsing

*Bjørnar Dagstad*

Leiar for avdeling alkohol og servering/ sals- og skjenkekontrollen

| SAMNANGER |                            |                      | 2018        |        |             |        |             |           |  | Godkj. |            |            |                 |                    |
|-----------|----------------------------|----------------------|-------------|--------|-------------|--------|-------------|-----------|--|--------|------------|------------|-----------------|--------------------|
|           |                            |                      |             |        |             |        |             |           |  |        |            |            |                 |                    |
|           | SAL                        | Dato/kl for kontroll |             |        |             |        |             | Merknader |  |        | Kontrollar | IK-alkohol | Opne kontrollar | Stengde kontrollar |
| 1         | K. Knutsen AS SPAR, Tysse  | 09.feb               | 12.35-13.00 | 21.sep | 11.15-11.45 |        |             |           |  |        |            | 07.07.2018 |                 |                    |
|           | Flytta til Bjørkheim       | 07.jul               | 14.00-14.20 | 23.nov | 10.25-10.50 |        |             |           |  |        | 4          |            | 4               |                    |
| 1         | KIWI Bjørkheim             | 09.feb               | 13.00-13.25 | 21.sep | 11.45-12.10 |        |             |           |  |        |            |            |                 |                    |
|           |                            | 07.jul               | 13.30-14.00 | 23.nov | 10.00-10.25 |        |             |           |  |        | 4          | 09.02.2018 | 4               |                    |
| 0         | Laga SA                    | 09.feb               | 13.30-13.45 |        |             |        |             |           |  |        | 1          |            | 1               |                    |
| 1         | Tysse Landhandleri         | 09.feb               | 12.05-12.30 | 07.jul | 14.30-14.50 | 21.sep | 10.45-11.10 |           |  |        | 3          | 07.07.2018 | 3               |                    |
| 3         |                            |                      |             |        |             |        |             |           |  |        | 12         | Godkj.     |                 |                    |
|           | SKJENKING                  | Dato/kl for kontroll |             |        |             |        |             | Merknader |  |        | Kontrollar | IK-alkohol |                 |                    |
| 1         | Bjørkheim Kro og Motell As | 17.feb               | 20.35       |        |             |        |             |           |  |        | 1          | 30.01.2015 | 1               |                    |
| 1         | Sigmundstovo Gjestehus     | 08.jun               | 20.50       |        |             |        |             |           |  |        | 1          | 30.01.2015 |                 | 1                  |
|           |                            |                      |             |        |             |        |             |           |  |        |            |            |                 |                    |
| 1         | RS Sikkerhet AS            | 20.jan               | 16.30-17.00 |        |             |        |             |           |  |        | 3          |            | 2               | 1                  |
|           | Eikedalen Skisenter        | 17.feb               | 19.40-20.10 |        |             |        |             |           |  |        |            |            |                 |                    |
|           | Varmestova                 | 29.mar               | 18.10       |        |             |        |             |           |  |        |            |            |                 |                    |
| 3         |                            |                      |             |        |             |        |             |           |  |        |            |            | 15              | 2                  |
|           | Opne kontrollar            | 15                   |             |        |             |        |             |           |  |        |            |            |                 |                    |
|           | Stengde kontrollar         | 2                    |             |        |             |        |             |           |  |        |            |            |                 |                    |



## REFERAT KVALITETSDIALOG BÆREKRAFTIG DRIFT 17.JAN 2019

### Deltakarar:

Ordførar Knut Harald Frøland (BL), Vidar Tveiterås (Ap), Øyvind Røen (Sp) , Sture Tveit (H), Øyvind Strømmen (MDG), Gunn Totland Moss (KRF) og Nils Jonny Skar Teknisk Drift (TD).

**Ikkje deltatt:** Odd Arne Haga (Frp),

**Referent:** Nils Jonny Skar

Politisk vedtak frå 2016 ang privatisering av kommunale vegar vart lagt til grunn for vidare drøfting på møtet.

Det vart diskutert evt ordning for tilskot frå kommunen til drift av private vegar. Einigheit om at det sansynligvis vil vera liten eller ingen økonomisk gevinst for kommunen å privatisera og gje tilskot.

Det vart diskutert moglegheit for å finansiera opprusting av vegar ved å leggja kommunale vass og avlaupsleidningar i veg og belasta på sjølvkost. På denne måten kan opprusting delvis finansierast men toppdekk må truleg kostast utanom.

I vedtak frå 2016 vart nokre vegar bestemt privatisert. Til neste møte skal teknisk drift ha klar oversikt over desse vegane.

Ordførar kallar inn til neste møte.




---

## Notat

---

**Frå:**

Nina Fredriksen

**Forespørsel på salg av tomt til næringsføremål på saltlager tomta**

**Saknr/Journalnr**  
19/82/19/942//NF

**Arkivkode**  
GBNR-38/11

**Dato:**  
29.01.2019

---

Administrasjonen er blitt kontakta av fleire som er interessert i saltlager-tomta til kommunen. Formålet er å starte opp med næring. I dag er her eit saltlager som kommunen eig. Det føreligg også ein leigekontrakt for tomta per i dag. Kommunen har leigeinntekt på 90 000 kr i året, kontrakten går ut i 2020. I følgje teknisk drift, er arealet ein strategisk og god lokalitet med hensyn på kommunen sitt behov- for eit saltlager- også i framtidig situasjon. Tomta har per i dag formålet LNF-område i kommunen sin arealplan.

Ut i frå hindringar/ forutsetningar-som vist under- meiner administrasjonen at denne tomta ikkje er salgbar slik status er i dag.

Imidlertid meiner også administrasjonen at tomta kan vere interessant i næringssamanheng. Området kan tas med som innspill til nytt næringsareal i neste revisjon av kommuneplanen sin arealdel i 2021.

*Det er ein del hindringar, dvs. forutsetningar i plan-og bygningslova som må grunngjevast for å kunne omregulere / søke om å få omdisponere tomta frå LNF til næring, desse er oppsummert slik:*

1. Det må søkjast om dispensasjon frå føremålet LNF, evt. må tomta regulerast. Fordelar og ulemper må belysast iht §19-1 i plan-og bygningslova, samt samfunnsnytta.

2. Rasfarerapport

3. Avkøyrsløse mot fv 7, avklaringar og vurderingar mot Statens vegvesen. Det føreligg ein gjeldande reguleringsplan for fv 7 i dag, herunder dispensasjon frå byggegrense mot veg.

4. Vurderingar på støy, evt. støyskjerming

5. Vurdere tomta sitt utnyttingspotensiale/ BRA/BYA

6. Avstand til vassdraget. Dette plantemaet må vurderast i høve arealdelen av kommuneplanen.

Andre forutsetningar

-Vurdere eit evt. erstatningsareal for kommunen sitt saltlager.

-Det kan også verte nødvendig å utgreie andre plantema som ikkje er nemnd her